



PAKPAK-PALAKPAK

ni: **BRYAN NIÑO C. MALLABO**

Sa bayang ang dangal ay ipinagpapalit sa ngalan,
'Di sa isip na hinubog ng bait at karangalan;
Ang boto'y bihag ngayon ng huwad na kariktan,
Kaya ang Inang Bayan ay nakagapos sa kapighatian.

May gintong isip na nalilingid sa karimlan,
Pagkat 'di hinahanap ang dunong kundi pangalan;
May tansong kumikislap sa mata ng sambayanan,
Ngunit sa upuan ng lingkod ay salat sa karangalan.

O Bayan kong hirang! Bakit ka nahihimbing?
Sa ugong ng palakpak na sa budhi'y dumidilim;
Ang luklukan ay laan sa pusong marangal,
Di sa pangalang bantog kundi sa may dangal.

Sapagkat ang boto'y binhing itinanim,
Sa bukid ng bukas na ating aanihin;
Kung maling kamay ang siyang magdidilig,
Ang bunga ng bayan ay pait at panimdim.

Editorial Team

Editor-in-Chief: Alvin B. Punongbayan

Associate Editor: Andro M. Bautista

Managing Editor: Raymart O. Basco

Web Editor: Nikko C. Panotes

Manuscript Editors / Reviewers:

Chin Wen Cong, Christopher DC. Francisco, Camille P. Alicaway, Pinky Jane A. Perez,
Mary Jane B. Custodio, Irene H. Andino, Mark-Jhon R. Prestoza, Ma. Rhoda E. Panganiban, Rjay C. Calaguas,
Mario A. Cudiamat, Jesson L. Hero, Albert Bulawat, Cris T. Zita, Allan M. Manaloto, Jerico N. Mendoza



Kapag ang mapag-imbot ang humawak sa kayamanan,
Na sa bayan ay laan at sa dukha'y kapalaran;
Ang gintong sa madla'y dapat maging kapakinabangan,
Ay nagiging handog lamang sa sariling kasakiman.

Ang tulay na tatawirin ng pag-asa ng bayan,
Ang paaralang santuwaryo ng dunong at isipan;
Sa kamay ng gahaman ay nagiging kayamanan,
Samantalang ang dukha'y gapos sa kahirapan.

'Di sapat ang ngala'y itanghal ng sambayanan,
Kung ang budhi'y salat sa bait at karangalan;
Siyasatin ang budhi, ang gawa, at isipan—
Sapagkat sa isang balota nakataya ang sambayanan.

Ang palakpak ba'y magiging pakpak ng bayan,
Na mag-aangat sa bukas ng sambayanan?
Kapag nagkaisa ang tinig ng madla sa katotohanan,
Maging kapangyariha'y yuyuko sa batas at katarungan.

Editorial Team

Editor-in-Chief: Alvin B. Punongbayan

Associate Editor: Andro M. Bautista

Managing Editor: Raymart O. Basco

Web Editor: Nikko C. Panotes

Manuscript Editors / Reviewers:

Chin Wen Cong, Christopher DC. Francisco, Camille P. Alicaway, Pinky Jane A. Perez,
Mary Jane B. Custodio, Irene H. Andino, Mark-Jhon R. Prestoza, Ma. Rhoda E. Panganiban, Rjay C. Calaguas,
Mario A. Cudiamat, Jesson L. Hero, Albert Bulawat, Cris T. Zita, Allan M. Manaloto, Jerico N. Mendoza
